

**Kulturikkut ingerlatsineq sunngiffimmilu sammisassaqaartitsineq pillugit**

**Inatsisartut peqqussutissaattut siunnersuut**

**pillugu**

**Inatsisartut Kultureqarnermut Ilinniartitaanermullu Ataatsimiititaliaata**

**ISUMALIUTISSIISSUTAA**

**aappassaaneerinermi saqqummiunneqartoq**

Inatsisartut Kultureqarnermut Ilinniartitaanermullu Ataatsimiititaliaat suliarinninnermini ukunin-nga inuttaqarpoq:

Inatsisartuni ilaasortaq Naimingitsoq Petersen, Atassut, siulittaasoq  
Inatsisartuni ilaasortaq Ruth Heilmann, Siumut, siulitaasup tullia  
Inatsisartuni ilaasortaq Lars Karl Jensen, Siumut  
Inatsisartuni ilaasortaq Olga Poulsen, Inuit Ataqtigiit  
Inatsisartuni ilaasortaq Mogens Kleist, Kattusseqatigiit

Inatsisartut Kultureqarnermut Ilinniartitaanermullu Ataatsimiititaliaata siunnersuut UPA2002-mi siullermeerneqareermat nassuiaatitai ilanngullugit misissuataarpaa.

Inatsisissatut siunnersuutip suliarineqarnerani atugassamisut Inatsisartut Kultureqarnermut Ilinniartitaanermullu Ataatsimiititaliaata tusarniaanermi akissutigineqartut nuutinneqarnerinik pini-arpoq.

Ataatsimiititaliap maluginiarpaa KANUKOKA-p tusarniaanermut akissummini oqaatigigaa kommunit naammagittaallitigisaat kulturikkut sunngiffimmilu siulersuisunik pilersitsinikkut pineqartup nukittorsaaviginissaatut siusinnerusukku eqqarsaatersuut peqqussutissatut siunnersuummit peerneqarsimasoq. Aallaqqaammut siunertaaqqaaralarpoq maannakkut fritidsnevnusut, siunnersuutikkut matumani pineqartukku atorunnaarsinneqartussatut siunnersuutigineqartut, siulersuisunit taarserneqassasut.

Naalackersuisut, kommunini iluarsartuusseqqinnissamut ataatsimiititaliarsuup immikkut inatsisi-liornikkut aqutsinermut maleruaqqusanik aalajangersaanissamik inassuteqartoqannginnera inner-suussutigalugu, KANUKOKA-mit kissaatigineqartoq malissallugu periarfissaqarsimanngillat.

Ataatsimiititaliap isumaqatigiittup Naalackersuisut tunngavilersuutigisaat paasilluarppaa.

Ataatsimiititaliap iluarisimaarpaa sunngiffimmi sammisassaqaqtitsinermut siulersuisunik pilersit-sisoqanngikkaluartoq peqqussutissatut siunnersuut naapertorlugu kulturikkut sunngiffimmilu sammisassaqaqtitsinikkut pilersarusiorsinnaanissamik kiisalu taassuma isumaginissaanut sulisutigut atugassat pisariaqaqtitat atorfinitsissallugit kommunalbestyrelse nammineerluni periarfissaqarmat.

Kulturikkut sunngiffimmilu sammisaqaqtitsinerit ilaanneeriarlutik imminnut ima akulerusimatigisarput suna sumut atanersoq takujuminaallisinnaasarluni. Taamaamat nuannaarutissaavoq siunnersuutikkut kulturikkut sunngiffimmilu sammisassaqaqtitsinermut tunngasut naligiilersinneqarnissaat qulakkeerniarneqarmat.

Siunnersuutikkuttaaq aalajangersarneqassaaq inuussutissarsiutigalugu ingerlatsinermut Naalackersuisut tapersiinerat sammitinneqarnerusariaqartoq, inuiaqatigiinnimi ataatsimut isigalugu inuussutissarsiutigalugu ingerlatsineq annertusiartortoq paasineqarsimamat. Ataatsimiititaliap naammagisimaarnarlunnartutut isigaa eqqumiitsuliornikkut suliaqarnerup inuussutissarsiutitut ingerlanneqarsinnaanera kulturikkut suliniarnermi kulturikkullu naalackersuineri anguniagassanut ilaatinneqalernera.

Ataatsimiititaliap isumaqatigiittup Kulturikkut ingerlatsineq sunngiffimmilu sammisassaqaqtitsineq pillugit Inatsisartut peqqussutissaattut Naalackersuisut siunnersuutitut saqqummiussaap taperserpaa.

Inatsisartut Kultureqarnermut Ilinniartitaanermullu Ataatsimiititaliaat taama oqaaseqarluni siunnersuut aappassaanigassanngortippaa.

Naimingitsoq Petersen,  
Atassut, siulittaasoq

Ruth Heilmann, Siumut  
siulittaasup tullia

Lars Karl Jensen, Siumut

Olga Poulsen, Inuit  
Ataqatigiit

Mogens Kleist,  
Kattusseqatigiit